

INUIT ATAQATIGIIT

INATSISARTUNI



UPA 2014/42/1
9. april 2014
Harald Bianco

Inuit ilinnarnertuutut allamilluunniit ilinniakkamik naammassinnissimanermikkut oqaluttariarsornikkut allattariarsornikkullu tuluttoorsinnaasut qanoq meeqqat atuarfiini, pia-reersarfinni, sunngiffimmi ilinniartitaanerni suliffissaaleqisunulluunniit pikkorissarnerni tuluttut ilinniartitsisutut atorneqarsinnaanersut pillugu Naalakkersuisut nassuaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut. Nassuaat kingusinnerpaamik 1. august 2015 Inatsisartunut agguanneqassaaq.

(Inatsisartunut ilaasortaq Ruth Heilmann, Siumut)

Siullermik Inuit Ataqatigiinnit Ruth Heilmann Siumut qutsavigaarpus siunnersuummut saqqumiussaanut!

Inuit Ataqatigiini isumaqatigaarpus nunatsinni tuluit oqaasiinik ilinniartitaanerup annertusarnissa pingaaruteqassusialu. Tassami nunarsuarmioqataanerput annertusiartorpoq, suliassallu annertuut takkukkiartorneranni minneruningitsumik takornariaqarnikkut annertusaajuarissaq eqqarsaatigalugu tuluit oqaasiisa atorfissaqarnerat annertusiartuinnarpoq.

Inuit Ataqatigiinni isumarpus malillugu, meeqqat atuarfianni tuluttut ilinniarsinnaanermi periarfisaasut naammaginartuugaluartut, taamaattoq nalunngiluinmarparput tuluttut ilinniartitsisussaleqineq pissutaalluni tuluit ilinniartitsiniarneq assut killeqartoq. Tamanna namminermini angusatigut apparsaataasinnaasarpaq piumasaqaatit eqqasaatigissagaanni.

Inatsisartunut ilaasortap Ruth Heilmannip (Siumut) siunnersuutigaa, nunatsinni tuluttoorsinnaasorpassuit atorluarneqartariaqarluarnerat. Tamanna soorunami eqqarsapallannikkut aaqqikkumianarpasikkaluarpoq, Inuit Ataqatigiinnili isumaqarpugut tamanna imaaliallaammaq pisimnaanngitsoq. Tassami ilinniartitaanerit suulluunniit angusassanik aalajangersimasunik kiisalu ukiunik aallajangersimasunik ilinniaqqaarnikkut aatsaat anguneqarsinnaasarmata. Taamatuttaaq ilinniakkat aalajangersimasunik angusaqarfiunissaat sivisussusiisalu aalajangersimanerat aallaaviusarmata ilinniareernerup kingorna sulernermi akissarsiat qanoq inissisimasarnerat. Ilinniartitsisutullu atutissagaanni perorsaanikkut (Pædagogik) ilinniarnissamik piumasaqaat annertuuqjulluni. Uani aamma pineqartut tassa, ilinniarnertuutut naammassisimisut assigisaalu, tassaasarpus allanut ilinniaqqinnissamut ingerlaqqeriarnissamut aatsaat piareertut. Taannartaa aamma eqqarsaatigilluaraanni ilinniaqqinisamut unikaallatsitsisinnanera aallerinartoqarsinnaavoq.

Tammaattumik Inuit Ataqatigiinit isumaqarpugut tuluttut oqalussinnaaneq piinnarlugu pikkorissalaaginnarnikkut ilinniartitsisungorsinnaanermi eqqarsaat piviusorsiorpallaanngitsoq.

Ukiuni nutaamerusuni ilinniartitsisunngorniarnissamut aqqutissatuaavoq ilinniarnertuunngoaqqar-luni aatsaat ilinniartitsisungorniartarneq. Siusinnerusukkummi allanik misilittagaqraruarsimagaanni allanilluunniit ilinniartitsimagaanni ilinniartitsisunngorniarneq ajornartanngilaq. Imaappoq, maanna ilinniartitsisumut atuarniaraanni ilinniarnetuuungorsimanissaq aqqusaaqqaagassaammat,

taamaattoq neriuunarpooq ukiuni aggersuni ilinniartitsisut tuluttoorsinnaasut amerlanerusut pigilerumaariut.

Naggataagut eqqaarusunnarpoq, periarfissaq alla tassaammat, timelærer-inngorsinnaaneq. Taassuma tuluttut piginnaanilinnut atorluarneqarnissaa innersuukkusunnarpooq periarfissaammat, kiisalu sunngiffimmi atuartitsineq aqqutigalugu tuluttut ilinniarsinnaaneq aamma atorluarneqartariaqartut ilagiinnarpaat. Taamatuttaaq innersuukkusunnarpooq nunanut allanut AFS aqqutigalugu tuluttut ilinniariartortarnerup atorluarneqarnerunissaa, allallu aqqutaasinnaasut tassunga assingusut.

Inuit Ataqatigiinnit taamatut oqaaserqarluta siunnersuut ilalernagu oqaatigaarput.